



Ավետիք Իսահակյան

մեր սպանված դիցուհին

«Մեռնեի, Սևանը չորացած չտեսնեի ...»

Մեր հայրենի սեզ լեռների
Կանաչ գրկում անուշաբույր
Սպանեցին, հոշոտեցին
Մեր ոսկեհեր, կապուտաշյա
Գեղեցկուհուն հոգեհատոր:

Ավա՛ղ, էլ չենք տեսնելու մենք
Չքնաղ դենքը աստղաժպիտ
Մեր նազելի գեղեցկուհու.
Ավա՛ղ, էլ չենք լսելու մենք
Ձայնը քաղցր, լուսակարկաչ
Մեր սիրելի գեղեցկուհու:

Եվ երբ մի օր գնանք այցի
Գեղեցկուհուն մեր նազելի
Սեզ լեռների կանաչ գրկում,
Ուր մորթեցին, հոշոտեցին
Մեր սիրուհուն հոգեհատոր,
Պիտ կուրանան աչքերը մեր,
Երբ փոխարեն մեր դիցուհու
Կապուտաշյա, լուսակարկաչ,

Տեսնենք ժայռեր, ծերպեր մթին՝
Կարիճների, օձերի բույն
Մեր հայրենի սեզ լեռների
Հրատոշոր, մեռած գրկում:

1948

Նոր Բայազետ